


## Vischnaunca da Breil



## Lescha dils vischinadis

|      |    |                                       |
|------|----|---------------------------------------|
| Art. | 1  | Territori                             |
|      | 2  | Vischins, dretg da votar, eligibladad |
|      | 3  | Organs                                |
|      | 4  | Radunonzas dils vischinadis           |
|      | 5  | Funcziun                              |
|      | 6  | La cumissiun da gestiun               |
|      | 7  | La cumissiun dils vischinadis         |
|      | 8  | Finanzas                              |
|      | 9  | Demissiuns/elecziuns                  |
|      | 10 | Fonds, legats e fundaziuns            |
|      | 11 | Determinaziuns finalas                |

**Art. 1**

Territori Il territori dalla vischnaunca da Breil (art. 76 dalla constituziun communal) cumpeglia ils vischinadis politics d'Andiast, da Breil Vitg, da Dardin, da Danis/Tavanasa e da Waltensburg/Vuorz.

**Art. 2**

Vischins, dretg da votar, eligibladad Vischins ein tut las personas, senza differenza da naziunalitad, che habiteschan els vischinadis tenor art. 1 da questa lescha e ch'ein registradas ella controlla da habitonts dalla vischnaunca da Breil.  
Il dretg da votar e d'eleger sedrezza tenor ils art. 7, 8 e 9 dalla constituziun communal.

**Art. 3**

Organs Ils organs dil vischinadi ein:

1. la radunonza dils vischinadis,
2. la cumissiun dils vischinadis,
3. il revisurat.

**Art. 4**

Radunonzas dils vischinadis In commember dalla cumissiun dils vischinadis convochescha las radunonzas dils vischinadis. Igl ei denton era pusseivel d'eleger in auter commember sco president.

1. La radunonza ordinaria ha liug mintga 4 onns avon las elecziuns dils officials communalas. Ella prepara las propostas per las elecziuns communalas tenor ils art. 12, 13, 14 e 15 dalla constituziun communal.  
Plinavon pren ella enconuschiantscha dil quen dils vischinadis ed approbescha quel.
2. Radunonzas extraordinarias san vegnir convocadas:
  - a) sche dus commembers dil cussegl da vischnaunca giavischan quei;
  - b) sche 30 votantas ni votants giavischan quei. Ina tala damonda sto vegnir fatga en scret ed esser motivada.

Las tractandas previdas ein da publicar silmeins 8 dis avon la radunonza el Fegl official dalla Surselva (FUS).

La radunonza convocada a temps sa prender decisiuns valeivlas concernent las tractandas publicadas. En votaziuns vala il pli relativ. En cass da paritad dallas vuschs vegn la tractanda suspendida suenter la secunda votaziun.

Las elecziuns vegnan fatgas da principi cun scrutini, premess ch'il diember da candidats surpassi il diember dils mandats ch'ei d'eleger ni da proponer.

Allas radunonzas dils vischinadis ha in commember dalla cumissiun da menar il protocol. Il protocol vegn prelegius alla proxima radunonza.

### Art. 5

Funcziun

In commember dalla cumissiun dils vischinadis surpren il presidi e l'auter (ev. il suppleant) igl actuariat. Sper las obligaziuns ordinarias tenor uorden communal ha(n) el(s) las suandontas incumbensas:

- a) convocar e presidiar las radunonzas dils vischinadis e dalla cumissiun;
- b) render rapport davart l'activitad els vischinadis;
- c) administrar la facultad liquida ni l'ulteriura proprietad dils vischinadis;
- d) procurar per il manteniment e l'administraziun digl inventari dils vischinadis;
- e) s'occupar dall'ulteriura lavur necessaria per in bien uorden els vischinadis.

### Art. 6

La cumissiun da gestiun

Sch'il revisur da quens dalla vischnaunca politica deriva d'in vischinadi, ei quel medemamein revisur da quens dils vischinadis. Sper sia incumbensa sco revisur cooperescha el cun la cumissiun dils vischinadis per preparar las propostas per las elecziuns dils officials communs. Sche quei ei buc il cass, sto in revisur da quens vegnir eligius dils vischinadis.

### Art. 7

La cumissiun dils vischinadis

La cumissiun dils vischinadis, cun excepziun dils commembers ex officio, vegn mintgamai eligida per quater onns a caschun dalla radunonza dils vischinadis. Ella consista dils commembers da suprastanza, dils commembers dil cussegl da vischnaunca sco era dils commembers dalla cumissiun da gestiun. En cass da basegns eis ei d'eleger ulteriurs vischins (al minimum 3 personas ed al maximum 5 personas).

1. La cumissiun ha l'incumbensa da

- a) cussegljar la suprastanza communal en damondas che pertuccan expressivamein ils vischinadis e lur interess;
- b) preparar las propostas per mauns dalla radunonza dils vischinadis per:
  - ils commembers dalla cumissiun dils vischinadis;
  - ils officials comunals;
  - ils commembers da differentas cumissiuns e delegai en gremis comunals e regionalis per mauns dalla suprastanza communal.

In commember dalla cumissiun surpren la responsabladad per l'administraziun, la controlla ed il manteniment digl inventari e dil mobiliar.

In commember surpren la responsabladad per la redacziun dils protocols dallas sedutas da cumissiun e las radunonzas dils vischinadis.

2. La cumissiun ha la cumpetenzza da

disponer d'in credit annual da frs. 2'000.– per intents specificis dils vischinadis.

**Art. 8**

Finanzas

1. Rendaquen dalla cassa dils vischinadis

In commember dalla cumissiun meina la cassa che sto vegnir revedida mintga quater onns dil revisur ed approvada dalla radunonza generala dils vischnadis.

2. Mobiliar ed inventari

In commember dalla cumissiun dils vischinadis administrescha era il mobiliar ed igl inventari e rapporta, sche pusseivel, ina gada ad onn, en scadin cass denton mintga quater onns, davart il stan actual.

Ulteriurs detagls davart la funcziun ein d'anflar ell'ordinaziun davart igl inventari dallas localitads dils vischinadis.

**Art. 9**

Demissiuns/elecziuns

1. Demissiuns ed elecziuns dils officials dils vischinadis

a) Demissiuns

Las demissiuns dils officials dils vischinadis ein d'inoltrar a scret entochen ils 28 da fevrer digl onn d'elecziun per mauns dalla suprastanza communal.

#### b) Elecziuns

Las elecziuns dils officials dils vischinadis vegnan fatgas a caschun dalla radunonza ordinaria che ha liug mintga 4 onns. Ein pliras propostas per in post avon maun, vegn l'elecziun fatga cun scrutini.

Ils vischinadis han d'eleger ils suandonts organs:

- ils commembers dalla cumissiun dils vischinadis;
- ev. in revisur

### 2. Demissiuns e propostas d'elecziuns pils officials communalas

#### a) Demissiuns

La demissiun d'in uffeci communal ni d'ina scharscha en ina cumissiun communal ei d'inoltrar en scret alla suprastanza sil pli tard entochen ils 28 da fevrer digl onn d'elecziun. Las demissiuns vegnan publicadas dalla suprastanza communal el Fegl official Surselva.

#### b) Elecziuns communalas

Entochen ils 30 d'avrel han ils vischinadis d'inoltrar alla canzlia communal la gliesta dils candidats, risguardond art. 13 dalla constituziun communal.

La cumissiun dils vischinadis prepara las propostas da candidats per las scharschas communalas per mauns dalla radunonza dils vischinadis.

Ulteriuras propostas per mauns dalla cumissiun san vegnir fatgas entochen 15 dis suenter la publicaziun dallas demissiuns el Fegl official. Las propostas ein d'inoltar en scret al president dalla cumissiun dils vischinadis. Ellas ston cuntener il num dalla persuna che fa la proposta.

Propostas valeivlas san far mo vischinas e vischins cul dretg da votar e sesents en in vischinadi.

La persuna che fa la proposta sto saver confirmar che la persuna proponida stat a disposiziun per la candidatura.

Las propostas existentas ein da far enconuschentas allas vischinas ed als vischins silmeins 8 dis avon che la radunonza dils vischinadis ha liug (Fegl official).

A caschun dalla radunonza dils vischinadis han ils vischins la pusseivladad da proponer ulteriurs candidats.

Las personas proponidas alla radunonza dils vischinadis ston esser presentas alla radunonza ni perstgisadas e confirmar lur veglia da star a disposiziun per ina candidatura.

La radunonza dils vischinadis ei il davos termin per far propostas che san aunc vegnir risguardadas sin la gliesta officiala dils candidats.

L'elecziun dils officials communalas sedrezza tenor la constituziun communal vertenta, approvada dil pievel ils 26 da november 2017, che vala sco muossavia e cumpendi per las elecziuns communalas.

Vegn in candidat buc eligius sco president, gerau ni commember dalla cumissiun da gestiun, sa el sin agen giavisch ch'el sto annunziar sil pli tard a caschun dalla radunonza dils vischinadis, vegnir nominaus sco candidat per il cussegl da vischnaunca.

Per commembers da cumissions e delegai en differents gremis communalas e regiunals da nos vischinadis, ils quals il cussegl da vischnaunca ei cumpetents d'eleger, san la cumissiun e la radunonza dils vischinadis far propostas concretas per mauns dalla suprastonza communalas.

#### Art. 10

Fonds, legats e fundaziuns

Ils fonds, legats ni las fundaziuns sutnumnai ein previ sulettamein per il vischinadi menziunau. La cumissiun dils vischinadis administrescha e decida davart il diever. Ultra da quei procura la cumissiun ch'igl intent da quei fond, legat ni dalla fundaziun vegni risguardaus.

|                                  |                      |
|----------------------------------|----------------------|
| Legat Capol                      | vischinadi d'Andiast |
| Fond Uniuns culturalas Dardin    | vischinadi da Dardin |
| Ierta Wilhelm Herzog-Bodenmüller | vischinadi da Vuorz  |

#### Art. 11

Determinaziuns finalas

Questa lescha dils vischinadis entra en vigur cun l'approbaziun entras il cussegl da vischnaunca dils 11 d'avrel 2018.

#### **En num dalla suprastonza communalas**

#### **En num dil cussegl da vischnaunca**

Il president: *Olau Schlosser*

Il president: *Mauras Tomaschett*

Igl actuar: *Caridin Cadonau*

Igl actuar: *Caridin Cadonau*